

## IZVJEŠTAJ O RADU UDRUŽENJA U PERIODU OD 19.03.2022.do 23.10.2023.

Na osnovu člana 13. Statuta Udruženja muzičkih/glazbenih i baletnih pedagoga, na sjednici održanoj 19.03.2022.godine, Skupština Udruženja donosi odluku da se Mstafa Mujbegović imenuje za novog predsjednika UMGBPFBIIH (40 glasova ZA; 1 glas PROTIV i 7 glasova SUZDRŽANIH). Jednoglasnom odlukom Skupštine, prof. Sakib Lačević se ovlašćuje da može davati potpis na pravne i finansijske akte Udruženja za potreba kontinuiteta rada Udruženja uz saglasnost novoizabranog predsjednika prof. Mustafe Mujbegovića, do deponovanja njegovog potpisa u sudskom registru.

Odlukom Skupštine udruženja za predsjednika skupštine imenovan je **Senad Kazić**, a za podpredsjednika skupštine **Ivanka Vrhovac**. Za članove Upravnog odbora imenovani su **Nedžmija Omerčehajić**, **Mladen Jelović**, **Josip Dujmušić** i **Tatjana Romanić**, a za članove Nadzornog odbora **Sakib Lačević**, **Marina Đorđević** i **Selma Verem**.

Zbog kontinuiteta aktivnosti u pripremama za predstojeće XXIV Federalno takmičenje/natjecanje u periodu od 27.do 30.aprila/travnja 2022.godine u Zenici, prof. **Skib Lačević** nastavlja aktivnosti u predsjedavanju Upravnim odborom i Savjetom takmičenja do njegovog završetka.

Na satanak **Upravnog odbora UMGBPFBIIH održanom** 17.06.2022. između ostalog, definisani su zadatci u narednom periodu: organizacija sastanaka sa svim direktorima/ravnateljima muzičkih/glazbenih škola po regijama, formiranje federalnih stručnih aktiva, utvrđivanje vremena i lokacije XXV Seminara muzičkih/glazbenih pedagoga i izbor grada za XXV Federalno takmičenje/natjecanje.

U tu svrhu održani su sastanci sa direktorima obrazovnih ustanova po regijama i to: 28.06.2022. u Međugorju za Hercegovačke kantone/županije na kojem je prisustvovalo 6 direktora/ravnatelja, 30.06.2022. u Zenici za Zeničko dobojski kanton i Srednjobosanski kanton/županija na kojem je prisustvovalo 5 direktora/ravnatelja i predstavnika škola, 20.10.2022. u Tuzli za Tuzlanski kanton na kojem je prisustvovalo 9 direktora/ravnatelja i članica Upravnog odbora **Nedžmija Omerčehajić**. 25.10.2022. održan je sastanak sa ravnateljem Glazbene škole Katarina Kosača Kotromanić iz Žepča, a sa tri direktorima iz Kantona Sarajevo ostvaruje se svakodnevna saradnja. Sa 10 direktora/ravnatelja ostalih muzičkih/glazbenih škola u ostalim kantonima/županijama kontakti su ostvareni pojedinačno kroz susrete i razgovore. Sa direktoricom **Zerinom Zupurović** (OMŠ Travnik) nije ostvaren kontakt na njeno odbijanje.

Tokom oktobra/listopada održani su sastanci Kantonalnih stručnih aktiva KS, na kojima su prisustvovali predstavnici osnovnih muzičkih škola, Srednje muzičke škole Sarajevo i Muzičke akademije univerziteta u Sarajevu. Napravljena je osnova pravila i propozicija za XXV Federalno takmičenje/natjecanje.

19.11.2022. U Zenici održani su sastanci Federalnih stručnih aktiva harmonike, gitare, flaute, klarineta, hora/zbora, limenih duvača/puhača.

Na federalnom stručnom aktivu **GITARA** prisustvovalo je 24 pedagoga iz 22 obrazovne ustanove. Za predsjednika aktiva izabran je **Adnan Alagić**.

Na federalnom stručnom aktivu **HARMONIKA** prisustvovalo je 36 pedagoga iz 23 obrazovne ustanove. Za predsjednika aktiva izabrana je **Belma Šarančić**.

Na federalnom stručnom aktivu **FLAUTE** prisustvovalo je 13 pedagoga iz 11 obrazovnih ustanov. Za predsjednicu aktiva je izabrana **Ana Pokrklić**.

Na federalnom stručnom aktivu **KLARINETA I SAKSOFONA** prisustvovalo je 12 pedagoga iz 12 obrazovnih ustanova. Za predsjednika aktiva je izabran **Edin Bahtić**.

Na federalnom stručnom aktivu **LIMENIH DUVAČA/PUHAČA** prisustvovalo je 7 pedagoga iz 8 obrazovnih ustanova. Za predsjednika aktiva je izabran **Arnes Bajramović**.

Na federalnom stručnom aktivu **HORA/ZBORA** prisustvovalo je 17 pedagoga iz 15 obrazovnih ustanova. Za predsjednika aktiva je izabran **Filip Milošević**.

01.12.2022. u Sarajevu održan je sastanak Federalnog stručnog aktiva **KLASIČNOG BALETA** na kojem je prisustvovalo 7 pedagoga iz 3 obrazovne ustanove. Za predsjednicu aktiva je izabrana **Sara Đurić**.

16.12.2022. u Zenici održan je sastanak Federalnog stručnog aktiva **SOLFEGGIA** na kojem je prisustvovalo 21 pedagog iz 16 obrazovnih ustanova.

Sa ciljem organizacije Seminara za muzičke/glazbene i baletne pedagoge Federacije Bosne i Hercegovine, planiranog od 11.do15.januara/siječnja 2023.godine, 21 i 22. 10.2022. održan je sastanak sa menadžmentom Grand Hotela Park u Dubrovniku: **Marijom Dragičević**-voditeljicom odjela za individualne rezervacije, **Anom Ficović**-voditeljicom kongresnog odjela i odnosa sa javnošću i **Anom Rilović**-direktoricom hotela i član uprave Grand Hotel Park. Izraženo je obostrano zadovoljstvo saradnjom u proteklim godinama i spremnost da se ta saradnja nastavi i unapredi u narednom periodu. Ipak, generalni zaključak uprave hotela je da u periodu januara/siječnja mjeseca 2023.godine seminar ne bi mogao da se održi u prostoru hotela jer se kongresna dvorana upravo renovira i nebi bila završena do proljeća iduće godine, a započinju i radovi na 1,2,3 i 4.spratu hotela u kojima se generalno renoviraju sve sobe. Na raspolaganju bi bili 5,6 i 7. sprat sa 94 sobe (30 trokrevetnih i 64 dvokrevetne) u koje bi se moglo smjestiti 218 gostiju. Ipak najveći problem su aktivni radovi prva četiri sprata, prašina i buka koji bi znatno oborili kvalitet usluge i boravka učesnika seminara.

Delegacija UMGBPFBIIH je posjetila i Umjetničku školu Luke Sorkočevića gdje ih je ljubazno dočekaao i ugostio ravnatelj Slobodan Begić. Gospodin Begić je udruženju ponudio svu potrebnu pomoć i usluge za potrebe odvijanja seminara. Dogovorena je i dalja saradnja ove renomirane škole sa UMGBPFBIIH i školama u FBiH, te organizacija zajedničkih takmičenja i projekata i zajednička koncertna djelatnost.

Kandidaturu za XXV Federalno takmičenje/natjecanje istakle su dvije muzičke/glazbene škole i to OMŠ Bugojno i GŠ Brotnjo iz Čitluka. U cilju odabira kandidata, članovi Upravnog odbora UMGBPFBIIH su 26.10.2022. godine posjetili grad Bugojno gdje su ih primili direktorica škole **Ifeta Šaćić** i načelnih općine **Hasan Ajkunić**, a 08.11.2022.godine posjetili su i grad Čitluk gdje su ih primili ravnatelj škole **Jure Sušac** i načelnik općine **Marin Radišić**.

Na satanak **Upravnog odbora UMGBPFBIIH održanom 05.12.2022.** između ostalog, sa 3 glasa za,1 protiv i 1 suzdržanima za domaćina XXV Federalnog takmičenja/natjecanja izabran je Čitluk i GŠ Brotnjo. Na ovom sastanku imenovan je i Savjet XXV Federalnog takmičenja/natjecanja

1. **Mustafa Mujbegović** - Predsjednik UMGBP FBIIH
2. **Mladen Jelović** - Predstavnik direktora/ravnatelja OM/GŠ
3. **Ljubo Begić** - Predstavnik direktora/ravnatelja SM/GŠ
4. **Senad Kazić** - Predstavnik MAS Univerziteta u Sarajevu
5. **Jure Sušac** - Direktor/ravnatelj škole domaćina
6. **Josip Dujmušić** - Član UO UMGBP FBIIH
7. **Belma Šarić** - Predstavnik škole domaćina prethodnog takmičenja/natjecanja.

Na osnovu izvještaja predsjednika Udruženja iz Dubrovnika donosi se odluka da se XXV Seminar muzičkih/glazbenih pedagoga održi u Sarajevu zbog radova u Hotelu Park.

Na seminaru će učešće uzeti sedam profesora predavača, i to:

**Robert Lakatoš** – violina  
**Dragan Đorđević** – violončelo  
**Borut Zagoranski** – harmonika  
**Sanel Redžić** – gitara  
**Marko Zupan** – flauta  
**Aleksandra Romanić** - klavir  
**Ognjen Popović** - klarinet

Zaključak na postavljene programske zadatke:

- Održani su sastanci sa 33 direktora/ravnatelja i predstavnika osnovnih i srednjih muzičkih/glazbenih škola u cijeloj FBiH
- Održani su sastani 8 federalnih stručnih aktiva na kojima je učestvovalo 137 pedagoga. Izabrani su predsjednici ovih aktiva
- Za mjesto održavanja seminara izabrano je Sarajevo, obzirom da nisu postojali uslovi za održavanje seminara u Dubrovniku zbog radova u Grand Hotelu Park
- Za domaćina XXV Federalnog takmičenja/natjecanja izabran je grad Čitluk i GŠ Brotnjo

27.12.2023. Izvršena je primopredaja dokumentacije UMGBPFBIH

Primopredaji su prisustvovali članovi komisije za primopredaju **Tatjana Romanić, Enisa Rajkić, Ivan Perković**, stari predsjednik udruženja **Sakib Lačević**, sekretar udruženja **Svaraka Samra**, stare administrativne osobe **Minka Muftić i Selma Berber Bajraktarević**, te novi predsjednik udruženja **Mutafa Mujbegović**.

04.01.2023. održan je sastanak sa pomoćnicom gradonačelnice za obrazovanje, sport, kulturu i mlade **Aminom Deljković**. Tom prilikom je Gradska uprava grada Sarajeva donirala 3.000 KM za održavanje Seminara muzičkih/glazbenih pedagoga u Sarajevu.

11.do 15.01.2023. godine održan je XXV Seminar muzičkih/glazbenih pedagoga FBiH Sarajevo 2023. za discipline: gitara, harmonika, violina, violončelo, flauta, klarinet, solfeggio, a zbog bolesti predavača, seminar klavira je pomjeren od 23.do 25. 02.2023. godine. Radu seminara prisustvovalo je 74 učenika, 26 studenata i 142 pedagoga iz 31 obrazovne institucije iz cijele BiH (29 iz FBiH i 2 iz RS). U okviru seminara održana su i dva koncerta, koncert otvaranja na kojem su nastupili predavači i završni koncert na kojem je nastupilo 14, po mišljanju predavača najboljih polaznika.

XXV Federalno takmičenje/natjecanje trajalo je četiri dana, od 24. do 27. aprila/travnja na Sveučilištu „Hercegovina“ u Bijakovićima-Međugorje. Takmičenje iz klasičnog baleta je održano 29.aprila/travnja u Narodnom pozorištu Sarajevo u baletnoj sali Baleta Narodnog pozorišta Sarajevo zbog posebnih uslova koje je trebalo obezbjediti za kvalitetno odvijanje takmičenja/natjecanja.

Takmičenje/natjecanje se odvijalo za discipline: gitara, harmonika, flauta, klarinet, saksofon, limeni duvači/puhači, hor/zbor, klasični balet i solfeggio-oblast muzička/glazbena teorija. Zaprimito je 570 prijava iz 34 obrazovne ustanove iz Federacije Bosne i Hercegovine (od toga 4 privatne prijave) i to gitara 100, harmonika 72, flauta 61, klarinet 32, saksofon 19, truba 17, horna 1, solfeggio-oblast muzička/glazbena teorija 230, hor/zbor 16, klasični balet 22. Žiri/ocjenjivački sud dodjelio je 22 specijalne nagrade, 204 prve, 198 drugih, 94 treće, 37 pohvala i 8 učešća.

U okviru XXV Federalnog takmičenja/natjecanja održana su i dva koncerta. 24.06.2023. Koncert otvaranja takmičenja na kojem se predstavila škola domaćin takmičenja/natjecanja, na kojem su bili prisutni predsjednica FBiH Lidija Bradara, koja je i službeno otvorila takmičenje/natjecanje, Tomislav

Martinović, predsjednik Doma naroda FBiH i Marin Radišić, načelnik Općine Čitluk. 27.06.2023. održan je i Završni koncert na kojem su po mišljenju žirija/ocjenjivačkog suda nastupili najuspješniji takmičari/natjecatelji.

01.06.2023. Na velikoj sceni u Narodno pozorište Sarajevo, u večernjem terminu, u organizaciji UMGBPFBiH, održan je tradicionalni Koncert baleta na kojem su nastupili učenici baleta iz baletno-obrazovnih institucija FBiH.

02.06.2023. Održan je sastanak u Banskim dvorima u Banja Luci sa direktorom **Mladenom Matovićem**. Sastanku su prisustvovali i direktor Muzičke škole Vlado Milošević iz Banja Luke **Damir Jovanić** i **Miralem Mejremić** i **Mustafa Mujbegović** ispred UMGBPFBiH. Razmatrani su konkretni koraci za organizaciju I Državnog takmičenja u maju/svibnju 2024.godine na kojem bi učestvovala muzičke/glazbene škole iz FBiH, RS-a i Distrikta Brčko.

Na sastanak **Upravnog odbora UMGBPFBiH održanom** 26.06.2023. između ostalog, određeno je da je domaćin XXVI Federalnog takmičenja/natjecanja grad Sarajevo i zajedno OMŠ Mladen Pozajić, SMŠ Sarajevo i Muzička akademija Univerziteta u Sarajevu.

Imenuje se i Savjet XXVI Federalnog takmičenja/natjecanja u sastavu:

**Jure Sušac** - domaćin XXV Federalnog takmičenja/natjecanja

**Tatjana Romanić** – domaćin XXVI Federalnog takmičenja/natjecanja

**Senad Kazić** – predstavnik Muzičke akademije Univerziteta u Sarajevu

**Ivanka Vrhovac** – Predstavnik direktora srednjih muzičkih/glazbenih škola škola

**Belma Šarić** – predstavnik direktora osnovnih muzičkih/glazbenih škola

**Mladen Jelović** – predstavnik Upravnog odbora UMGBPFBiH

**Mustafa Mujbegović** - Predsjednik Udruženja

Donesena je i odluka o imenovanju radne grupe za izradu prijedloga novog Statuta UMGBP FBiH i podzakonskih akata, sa sljedećim članovima:

- **Nedžmija Omerćehajić**

- **Miralem Mejremić**

- **Ljubo Begić**

- **Senad Kazić**

- **Mustafa Mujbegović**

Na sastanak **Upravnog odbora UMGBPFBiH održanom** 13.10.2023. između ostalog, **Željka Andrić** je izabrana za sekretara UMGBPFBiH umjesto Samra Svrake koja je odselila u USA.

U periodu od 17.06.2022. do 13.10.2023. godine kako novi predsjednik UMGBPFBiH predsjedava Upravnim odborom, održano je 7 sastanaka ovog tijela (17.06.2022.; 05.12.2022.; 03.02.2023.; 07.03.2023.; 06.04.2023.; 26.06.2023.; 13.10.2023.) na kojem je doneseno preko 30 odluka. U istom periodu održana su 4 sastanka Savjeta XXV Federalnog takmičenja/natjecanja (10.02.2023.; 24.02.2023.; 03.04.2023.; 26.06.2023.) i 1 sastanak XXVI Federalnog takmičenja/natjecanja (13.10.2023.).

U toku su pripreme za izradu službene web stranice udruženja (postavljeni rok do početka decembra/prosinca 2023.godine), rad na izradi prijedloga novog Statuta UMGBPFBiH sa pratećim aktima (do kraja 2023.godine) i pripreme za organizaciju XXVI Seminara muzičkih/glazbenih pedagoga.

U narednom periodu će se pristupiti i ažuriranju članova UMGBPFBIH kroz popune pristupnica izrade knjižica i stvaranju baza podataka članova.

Predsjednik UMGBPFBIH

Mustafa Mujbegović, prof.